

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri.

Aningaasaqarnermut tunngasut

Imm. 02 Ikaarsaariarnermi ataatsimiititaliap 2008-mi missingersuutissai.

Imm. 03 Ikaarsaariarnermi ataatsimiititaliami ilaasortanut ataatsimiinnersiaqartitsinernut pikkorissarnernut, isumasioqatigiinnernut il.il. sulinikkut pissarsiassaraluanik annaasanut taartisiaqartitsisarnerit pillugit najoqqutassat.

Imm. 04 Nunaqarfinni Aqutsisut kattunnissaat pillugu isumasioqatigiinnissaq.

Suliassat nalinginnaasut

Imm. 05 Ikaarsaariarnermi ataatsimiititaliami suleriaasissaatut siunnersuut – aappassaaneernera.

Imm. 06 ”Qeqqani kommunemi” ikaarsaariarnermi ataatsimiititaliami aqutsinermik ileqqoreqqusassatut siunnersuut - aappassaaneernera.

Imm. 07 Kommuunerujussuup taaguutissaanik ilisarnaatissaanillu toqqaanissaq.

Imm. 08 Ikaarsaariarnermi Ataatsimiititaliap aningaasaqarnermullu ataatsimiititaliap 2008-mi ataatsimiiffissaat.

Sulisogarnermut tunngasut

Imm. 09 Maniitsup Sisimiullu Kommuniini sulisut pillugit paasissutissiineq.

Imm. 10 Tamalaat.

Ataatsimiinneq aallartippoq nal. 08.30

Peqataasut:

Atassut

Søren Alaufesen, Sisimiut
Karl Davidsen, Maniitsoq
Bitten Heilmann, Maniitsoq

Demokraatit

Palle Christiansen, Sisimiut

Inuit Ataqaatigiit

Katrine Larsen Lennert, Sisimiut
Agathe Fontain, Sisimiut
Mimi Karlsen, Maniitsoq

Siumut

Hermann Berthelsen, Sisimiut
Karl Lyberth, Maniitsoq
Evelyn Frederiksen, Sisimiut
Alfred Olsen, Sisimiut
Efraim Olsen, Maniitsoq
Hans Frederik Olsen, Sisimiut
Morten Siegstad, Sisimiut

Nalunaaruteqarlutik peqataanngitsut:

Beathe Poulsen, Maniitsoq (IA) – angallannermik peqquteqarluni

Nalunaaruteqaratik peqataanngitsut

Imm. 01 Oqaluuserisassat akuerineqarneri

Aalajangiineq

Imm. 06 kinguartinneqassaaq.

Oqaaserineqartut ilanngullugit oqaluuserisassat akuersissutigineqarput.

Imm. 02 Ikaarsaariarnermi ataatsimiititaliap 2008-mi missingersuutissai

Journalnr. 06.01.01

Tunuliaqutaq

Ikaarsaariarnermi aaatsimiititaliap maajip 1-aniit decembarip 31-anut 2008-mi atuutissaaq. Naalakkersuisut kommunit nutaat tamaasa ikaarsaariarnermi ataatsimiititaliaqarnissaannut 2 mio. koruuninik aningaasaliiffigivai. Ingerlatsiviup, amerlanerussuteqartut arfinilinnik ataatsimiittaliaqarnissaa innersuussutigissagaat naatsorsuutigalugu, ikaarsaariarnermi ataatsimiititaliamut ingerlatsinikkut missingersuutissaannik siunnersuusiorpoq.

Malittarisassatigut tunngavissat

Kommunini suliaasaqarfiit aaqqissuuteqqinneqarnerat pillugu Inatsisartut inatsisaat nr. 14 novembarip 19-ni 2007-imeersup § 12-ani aalajangersagaavoq, ikaarsaariarnermut ataatsimiititaliami ilaasortat kommunalbestyrelsit, nunaqarfinni aqutsisut il.il. pillugit Inatsisartut inatsisaanni § 17 aamma § 37, taamatullu kommunalbestyrelsinut nunaqarfinnilu aqutsisunut ilaasortanik il.il. kiisalu borgmesterinik borgmesterillu tulliinik akissarsiaqartitsineq pillugu Namminersorerullutik Oqartussat nalunaarutaat nr. 35 oktobarip 5-ini 2001-meersoq naapertorlugit akissarsiaqartinneqasasut.

Pissutsit atuuttut

Nalunaarutip nr. 35-imi oktobarip 5-ini 2001-meersumi aalajangigaavoq,

§ 1 kommunalbestyrelsimut ilaasortat

Kommunalbestyrelsimi ilaasortat ukiumut 37.500 koruuninik aalajangersimasumik akissarsiaqartinneqasasut, kiisalu

Kommunalbestyrelsimi ilaasortat aningaasaqarnermut ataatsimiititaliamut ataatsimiititaliamulluunniit allamut ilaasortaajutigisut 75.000 koruuninik ukiumut akissarsiaqartinneqassallutik.

§ 3 ataatsimiititaliat siulittaasui

Kommunalbestyrelsip aalajangersinnaavaa, kommunalbestyrelsip ataatsimiititaliaani siulittaasut ilassutaasunik tunineqasasut.

Imm. 2. Kommunep ataatsimiititaliat siulittaasuinut ilassutaasutut aningaasartuutai annerpaamik ukiumut 220.000 koruuniussapput. Kommunilbestyrelsimi ilaasortaq ataatsimiititaliamut ataatsimut arlalinnuunniit siulittaasuusoq annerpaamik ukiumut 85.000 koruuninik pissarsisinnaavoq.

§§ 13, 14 aamma 15 Borgmesterinik borgmesterillu tulliinik akissarsiaqartitsineq

§ 13. Borgmesterip akissarsiasai kommunalbestyrelsip borgmesterip atuuffiata iluani atuuttussatut aalajangersartassavai.

§ 14. Akissarsiat annerpaamik annertussuseqarsinnaapput tjenestemandit akissaateqarfiinut, Ilinnia-gartuut Kattuffiat/Akademikernes Sammenslutning i Grønland (AS-G)-ip isumaqatigiissutaani akissaateqarfinni ataani taaneqartuni, tapisiat nalinginnaasut aamma feeriartarneq pillugu inatsisit malillugit immikkut feeriarnersiat ilanngullugit, makku malillugit:

Inuit nalunaarsorsimaffianni innuttaasut januaarip 1-ani allattorsimasut	Akissaateqarfik
0-2.000	36
2.001- 5.000	37
5.001-	38

Imm. 2. Kommunalbestyrelsip aalajangersinnaavaa borgmesterit akissarsiai tapeqartinneqassasut annertussusissarititaasut, Kalaallit Nunaanni Kommuneqarfiit Kattuffiata Naalakkersuisullu isumaqatigiissutaat malillugit imatut amerlassuseqartunik:

Inuit nalunaarsorsimaffianni innuttaasut januaarip 1-ani allattorsimasut	Aningaasartai
0 - 1.500	kr. 38.700
1.501 - 3.000	kr. 58.050
3.001 - 10.000	kr. 101.580
10.001 -	kr. 153.820

Imm. 3. Tapiliussat ukiumoortuupput 1. april 1991-imi aingaasat nalinginit tunngaveqarput, iluarsineqartassallutillu piffissat aalajangersimasut atorlugit aammalu annertussusilerlugit tjenestemandinut immikkut tapiliussat Ilinniagartuut Kattuffiat/ Akademikernes Sammenslutning i Grønland (AS-G)-ip isumaqatigiissutaat malillugu.

Imm. 4. Borgmesterip akissarsiai tunniunneqartassapput tjenestemandit qaammammusiiallit akissarsiaasa tunniunneqartarnerattut Ilinniagallit Kattuffiat/ Akademikernes Sammenslutning i Grønland (AS-G)-ip isumaqatigiissutaat malillugu.

Imm. 5. Borgmesterit Naalakkersuisut akuersisimatinnagit akissarsiamik saniatigut kommunimi suliaritanut allanut akissarsiaqarsinnaanngillat.

§ 15. Borgmesterip tullii kommunini ataatsimik borgmesterimut tullilinni aamma kommunini borgmesterip tullinik marlunnik peqarfilinni borgmesterip tullia siulleq kommunalbestyrelsip aalajangiineratigut ukiut tulliinut aningaasanut missingersuusiormut atasumik aalajangersimasumik akissarsiaqartinneqarnissaa aalajangerneqarsinnaavoq §§ 1-imiit 3-mut taaneqartuni akissarsiarititat saniatigut, annerpaamik borgmesterip akissarsiaasa 15 pct.-ianik.

Imm. 2. Borgmesterip tullia imm. 1 naapertorlugu aalajangersimasumik akissarsiaqanngitsoq akissarsisinneqarsinnaavoq piffissami borgmesteritut atuuffigisami, pineqartoq kommunalbestyrelsimit peqquneqaruni aqutsinermik inatsimmi § 36, imm. 2 naapertorlugu borgmesterip suliai pisisaaffiilu tamaasa isumageqqullugit.

Imm. 3. Imm. 2 malillugu aatsaat akissarsisitsisoqarsinnaavoq pineqartoq borgmesteritut taartaalluni atuussimappat qaammatisiutit ukiut malillugu ukiup ataatsip ingerlanerani katillugit amerlanerpaa-mik ulluni 15-imi.

Imm. 4. Imm. 3-mi aalajangersakkap saniatigut imm. 2 malillugu taartaalluni atuunnermi akissarsisitsisoqartassaaq maleruagassat AS-G-mi atorfinni akissarsiat pillugit maleruagassanut naapertuut-tut malillugit.

Oqarasuaatinut tapiissutit akit atuuttut 169,45 koruuniusut naapertorlugit ilaasortanut tunniunneqartarpoq tamatumalu saniatigut 113,88 koruunit ataatsimiititaliani siulittaasunut. Tamakku saniatigut allaffissonermut atugassatut killiliussatut 20.000 koruunit immikkoortinneqartarlutik.

Aningaasaqarnikkut allaffissornikkullu kingunerisinnaasai

Aningaasaqarnikkut kingunerisinnaasai ingerlatsiviup naatsorsorpai, tamatumani ikaarsaariarnermi ataatsimiititaliaq akissarsiat annerpaaffissaannik ataatsimiititaliallu siulittaasuisa ataatsimiititaliani allani periutsit assigalugit akissarsiaqartitaanissaat, tassa 220.000 koruunit ataatsimiititaliani siulittaasussanut arfinilinnut agguarlugit, ukiumut inummumut ataatsimut 36.600 koruuninik tunineqarnissaat naatsorsuutigalugu.

Akissarsiaqartitsinerup aningaasartuutillu allat aningaasaqarnikkut ataatsimut kingunerisinnaasai ilanngussaq 1-mi takuneqarsinnaapput.

Ingerlatsiviup naatsorsuutigivaa, ikaarsaariarnermi ataatsimiititaliap sulinikkut pissarsiassarulanik annaasanik taartisiaqartitsinermi 28.000 koruunit kontomit pikkorissarnermi akiliutinut atussagai.

Allatseqarfiup aningaasaqarnermullu allatseqarfiup oqaaseqaataat

Ikaarsaariarnermi ataatsimiititaliamut aningaasartuutit missingersuusiorlugillu naatsorsuutiniut ikkutissapput Sisimiut Kommuneani missingersuutiniut naatsorsuutiniullu kontomi 10-01-04 ikaarsaariarnermi ataatsimiititaliamut ilanngutissapput. Taamatutaaq Namminersornerullutik Oqartussanit utertitat Sisimiut Kommuneata naatsorsuutaanut isertitatut ikkutissapput immikkullu naatsorsuusiorneqarlutik.

Missingersuutini erseqqissarneqassaaq, ikaarsaariarnermi ataatsimiititaliap siulittaasua siumoortumik akissarsiaqartitaamat, kontolu qaammammusiat kingumoortuniit qaammammusianut siumoortunut kingumoortunullu iluarsineqassalluni.

Allaffeqarfiup naliliinera

Ingerlatsivik naliliivoq, ikaarsaariarnermi ataatsimiititaliap killiliussatut immikkoortitat 2 mio. koruuniusut naammattusaarnissaat ajornakusuussasoq. Taamaamat taperserlugu innersuussutigineqassaaq, angalanissat sapinngisamik tulliuttutut killilersimaarniarneqassasut, ataatsimiititaliaq aallarnisareeruni ataatsimiinnissami amerlanersaat iliuusissallu allat videokonference atorlugu ingerlanniassagai.

Ingerlatsivik Nunami namminermi pissutsinut allaffeqarfik attaveqarfigivaa paasiniarlugu, akissarsiat tungaasigut borgmesterinik borgmesterillu tulliinik akissarsiaqartitsineq pillugu Namminersornerullutik Oqartussat nalunaarutaat nr. 35 oktobarip 5-ini 2001-meersup allannguuteqartinneratigut suut allannguutaassanersut naatsorsuutigineqassanersoq. Nunami namminermi pissutsinut allaffeqarfik apriliip 16-ni mail-ikkut akissuteqarpoq, massakkut tamakkunuuna paasissutissiisinaanngikkallarlutik.

Ingerlatsiviup nalilerpaa, ataatsimiititaliani siulittaasut akissarsiaasaat ataatsimiititaliat akisussaaffii aalajangersaaffigineqareerpata aatsaat aalajangiiffiusariaqartut, taamaalilluni maajip 1-ani 2008-miit kingumoortumik iluarsiiiffigisassanngorlugit.

Ikaarsaariarnermi Ataatsimiititaliami suliap sularinera

Ikaarsaariarnermi Ataatsimiititaliap apriliip 24-ani 2008-mi ataatsimiinnermini suliaq sularivaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap suliaq maajip 13-ani 2008-mi ataatsimiinnermini sularivaa.

Innersuussut

Aningaasaqarnermut ataatsimiititaliap innersuussutigissavaa, ikaarsaariarnermut ataatsimiititaliap 2008-mi missingersuutissatut siunnersuutaa tulliuttutut allanngortinneqassasoq

Akissarsiat kontoat qaammammusiat kingumoortuniit qaammammusianut siumoortunut kingumoortunullu allanngortinneqassasoq

Sulinikkut pissarsiasaraluanik annaasaqarnerit pikkorissarnermut kontomut ikkunneqartassasut

Aalajangiineq

Oqaaserineqartut ilanngullugit innersuussutigineqartut akuersissutigineqarput.

Ilanngussaq

1. Ikaarsaariarnermi ataatsimiititaliap 2008-mut missingersuutissaatut siunnersuut

Imm. 03 Ikaarsaariarnermi ataatsimiititaliami ilaasortanut ataatsimiinnersiaqartitsinernut pikkorissarnernut, isumasioqatigiinnernut il.il. sulinikkut pissarsiassaraluanik annaasanut taartisiaqartitsisarnerit pillugit najoqqutassat

Journalnr. 03.08.00

Tunuliaqutaq

Kommunip kukkunersiuisui peqatigalugit ullumikkut Sisimiut Kommuneani allaffeqarfimmi sulisut Kommunalbestyrelsimi Ikaarsaariarnermilu ataatsimiititaliami ataatsimiinnersiaqartitsisarneq sulinikkullu pissarsiassaraluanik annaasaqarnermi pissarsiaqarsinnaanermut tunngasut siunnersuusiorsimavaat. Kommunalbestyrelsiusimasup suliaq Ikaarsaariarnermi ataatsimiititaliamut isummerfigisassatut kinguartissimavaa.

Siunnersuusiaq KANUKOKA-mut tusarniutaasimavoq.

Maleruagassatigut tunngavissat

Kommunini suliassaqrarfiit aaqqissuuteqqinneqarnerat pillugu Inatsisartut inatsisaat nr. 14 novembarip 19-ni 2007-imeersup, § 12.

Kommunalbestyrelsit nunaqarfinnilu aqutsisut il.il. pillugit Inatsisartut inatsisaat nr. 20 novembarip 3-ani 1994-imeersumi § 17, imm. 3-kkut, allangortinneqarsimasoq Inatsisartut inatsisaatigut nr. 6 juunip 12-ani 1995-imi aammalu aallangortinneqaqqissimasoq Inatsisartut inatsisaatigut nr. 19, novembarip 20-iani 2006-imi (Aqutsinermi inatsit).

Kommunalbestyrelsinut nunaqarfnnilu aqutsisunut ilaasortanik il.il. kiisalu borgmesterinik borgmesterillu tulliinik akissarsiaqartitsineq pillugu Namminersornerullutik Oqartussat nalunaarutaat nr. 35. oktobarip 5-ini 2001-meersoq (Akissarsiaqartitsinermi nalunaarut).

Pissutsit atuuttut

Ikaarsaariarnermi ataatsimiititaliami politikkerit nutaat pikkorissartassammata ukiarulu missingersuusiornikkut isumasioqatigiittussaallutik, taamaattumik siunnersuut aningaasaqarnermut ataatsimiititaliamut isummerfigisassatut saqqummiunneqarpoq. Angalanerit politikikkut sulinermi piareersarnertut isigineqarmata taamaattumik akissarsianit aalajangersimasunik matussuserneqartussaapput. Angalanermusiaqarnerli akissaatit nalinnginaasut atorlugit pissaq. Angalanerulli isumasioqatigiinnissamik pikkorissarnermilluunniit siunertaqarpat, angalaneq najoqqutassamut ilaassapput.

Allaffeqafiulli maluginiaqqussavaa, aaqqissuusseqqinnermut kommunillu januaarip 1-ani 2009-mi kattunnissaannut atatillugu Namminersornerullutik Oqartussat kommunalbestyrelsit pillugit Inatsisartut inatsisissaat siunnersuusiornikuuaat, taasanilu, kommunerujussuarni kommunalbestyrelsimut ilaasortassat akissarsiassaat aalajangersimasut sumut tunngatitaaneri takuneqarsinnaalluni:

”§ 16. Kommunalbestyrelsip ilaasortaanut aalajangersimasumik akissarsiaqartitsisoqassaaq. Akissarsiaqartitsinermut ilaapput ilaasortat

- a) *kommunalbestyrelsip taassumalu ataatsimiititaliaani kiisalu ataatsimiititaliani minnerni ataatsimeeqataanerit,*
- b) *kommunalbestyrelsimut qinersisoqareernerani kommunimut sullissinerit isumaginerannut atatillugu ataatsimiinnernut peqataanerit, immikkut akissarsiaqarneq pillugu malittarisassaq aalajangersagaavoq allamik toqqammaveqanngippat*

- c) kommunalbestyrelsip piginnaatitsineratigut kommunalbestyrelsimi imaluunniit aningaasaqarnermut ataatsimiititami pikkorissarnermut peqataanerit il.il., naqinnerni a-miittut b-miittullu suliarinerinut pingaaruteqartutut isigineqarpat,
- d) isumasioqatigiinnernut peqataaneq,
- e) kukkunerisiuisut nalunaarutaasa saqqummiunneqarnerinut peqataaneq, tak. § 46,
- f) kommunalbestyrelsip imaluunniit taassuma ataatsimiititaliaanit qinnuteqartoqareerneratigut kommunimi sullissinermi erseqqarinnerusumik taaneqartut suliarineri aamma
- g) ataatsimiinnernut il.il. naqinnerni a-f-imi taaneqartunut atatillugu suliniutit allat suliarineri

Borgmesteri akissarsiaqartinneqassaaq § 36 naapertorlugu.

Imm. 2. Kommunalbestyrelsi aalajangiisinnaavoq kommunalbestyrelsip ataani ataatsimiititaliani ataavartuni siulittaasunut ilassutaasumik akissarsiaqartitsisoqarnissamut.

Imm. 3. Ataatsimiinnernut il.il. imm. 1-mi naqinnerni a-f-mi taaneqartuni kommunalbestyrelsimut ilaasortaangikkaluarluni peqataasoq sulinikkut pissarsiassaagaluminik uppersaanikkut annaasaqartoq taarsiiffigineqassasoq ataatsimiinnersiutinillu tunineqassasoq kommunalbestyrelsi aalajangiisinnaavoq.

Imm. 4. Sinniisussaq kommunalbestyrelsimut isertinneqarallartoq piffissami kommunalbestyrelsimi ilaasortaaffimmini, piffissarlu taanna sivikinnerpaamik qaammatinik marlunnik sivisussuseqarpat aalajangersimasumik akissarsiaqartinneqassaaq. Tassunga naleqquttumik kommunalbestyrelsimi ilaasortap tunuarallartup akissarsiassai aalajangersimasut ilanngaateqartinneqassapput pineqartoq sivikinnerpaamik qaammatini marlunni peqanngittussaappat.

Imm. 5. Kommunalbestyrelsimi ilaasortaqaq ataatsimiititaliami ataavartuni sivikinnerpaamik qaammatini marlunni siulittaasuugallartoq, imm. 2 naapertorlugu tapisiaqartinneqassaaq. Taamatuttaaq ataatsimiititaliami siulittaasup siulittaasutullu sulinngikkallartup tapisiai piffissamut naapertuuttumik ikilineqartassapput, taanna sivikinnerpaamik qaammatini marlunni najuussimanngikkuni.

Imm. 6. Kommunimut sullissilluni isumagisassat suliarinerannut atatillugu Naalakkersuisut najoqqutassat aalajangersagaat naapertorlugit angerlarsimaffiup avataaniittussaalluni angalanermut uninnganermullu ajunngitsorsiaqartitsisoqarsinnaavoq.

Imm. 7. Naalakkersuisut aalajangersarsinnaavaat akissarsiat aalajangersimasut, ilassutitut akissarsiat, ataatsimiinnersiutit aamma sulinikkut pissarsiassaagaluit annaasat taarsisiutissartaasa angissusissaat aammalu ajunngitsorsiasat taakku tunniunneqartarnissaannut missingersuusiorneqartarnissaannullu maleruagassat erseqqinnerusut.

Imm. 8. Kinaluunniit pisussaavoq imm. 1-imiit 6-imut aalajangersakkat naapertorlugit imminut pisassaritinneqartut tigunissaannut.”

Inatsit januaarip 1-ani 2009-mi atuutilissaaq, aqutsinermilu inatsit 1994-imeersoq 1995-imeersoq kiisali 2006-imeersoq taarsissallugit.

Inatsisip atuutuleruni kingunerissavaa, najoqqutassat ilanngussat atuukkunnaassasut, tassa akissarsiat najoqqutassiami eqqartorneqartunut tamanut matussutissiisutaasalissammata.

Aningaasaqarnikkut allaffissornikkullu kingunerisinnaasai

Ilaasortat pikkorissarnermut isumasioqatigiinnermulluunniit peqataasimaneranik immersugassaq allaffeqarfiup suliarissavaa.

Aningaasaqarnikkut malitsigisinnaasai makkuussapput, ataatsimiinnersiaqarnerisut 400,00 koruuniusoq kiisalu sulinikkut pissarsiassaraluanik annaasanut taartisiassaq 600,00 koruuniusoq, 600,00 koruuninillu annerusumik piumasaqartoqartillugu tamanna najoqqutaasaaq malillugu uppersaasernerneqartassaaq.

***Ikaarsaariarnermi Ataatsimiititaliap maajip 20-ani 2008-mi ileqquusumik ataatsimiinnerata
02/2008-p imaqarniliornera***

Ikaarsaariarnermi ataatsimiititaliami ilaasortat politikkerit pikkorissarnissaat, isumasioqatigiinnissamullu peqataanissaat, imatut aningaasartaqartussaapput:

Politikkerit pikkorissarnerat:	14 x 1.000,00 kr	= 14.000,00 kr
<u>Missingersuusiornissami isumasioqatigiinneq=</u>	<u>14x 1.000,00 kr</u>	<u>= 14.000,00 kr</u>
Katillugit		= 28.000,00 kr

Aningaasat konto-miit uannga tiguneqarsinnaapput 10-01-04-00-05-04 Pikkorissarnerit.

Allatseqarfiup aningaasaqarnikkullu allatseqarfiup oqaaseqaataat
Immikkut oqaaseqaatitassaqanngilaq.

Allaffissornikkut naliliineq

Aqutsinermi inatsit nutaaq januaarip 1-ani 2009-mi atuutilissagaluarpalluunniit taamatullu akissarsiaqarnermi nalunaarutissaq aamma piffissami tamatumani atuutilissagaluartoq, tassalu inatsikkut Najoqqutassanut toqqammavissat, allaffeqarfik isumaqarpoq, Ikaarsaariarnermi ataatsimiititaliami ilaasortat politikkerit sulinerminnut atatillugu arlaatigut sukkulluunniit iliuuseqarnermi soorlu pikkorissarnertigut, isumasioqatigiinnertigut kiisalu allatigut peqataasarnissaminni ullumikkut akissarsiaasut matussutissaqartinngisaasigut sapinngisamik annikinnerpaamik annaasaqartassasut.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap suliap maajip 13-ani 2008-mi ataatsimiinnermini sularivaa.

Innersuussut

Aningaasaqarnermut ataatsimiititaliap innersuussutigissavaa, najoqqutassatut siunnersuut iluarsis-sutitalik Ikaarsaariarnermi ataatsimiititaliamit akuersissutigineqassasoq

Aalajangiineq

Oqaaserineqartut ilanngullugit innersuussutigineqartoq akuersissutigineqarpoq.

Ilanngussaq

1. Najoqqutassatut siunnersuut

Imm. 04 Nunaqarfinni Aqutsisut kattunnissaat pillugu isumasioqatigiinnissaq

Journalnr. 00.06.04

Tunuliaqutaq

Inatsisartut Aaqqissusseqqinnissamut Ataatsimiititaliagarigallagaat isumaqarpoq, nunaqarfinni aqutsisut atatiinnarneqassappata Sumiiffinni Siulersuisut pisariaarutissasut. Immikkut Intasisiliap § 8-ni takuneqarsinnaavoq, ataatsimoorussamik nunaqarfinni aqutsisussanik qinersisoqassasoq, ataatsimoorussamillu nunaqarfinni aqutsisussat minnerpaamik kommunip pineqartup nunaqarfiini aqutsisunik marlunnik toqqammaveqassasut. Aammalu nunaqarfiit sorliit ataatsimoorussamik aqutsisoqarnissaat qassinillu ilaasortaqaarnissaat kommunalbestyrelsimit (Ikaarsaariarnermi ataatsimiititaliamit) aalajangiiffigineqassasut, taamatullu aalajangiinnissaq 2008-p naannginnerani pissasoq, tassa aprilimi 2009-mi ataatsimoorussamik nunaqarfinni aqutsisussanik qinersisoqassammat. Taamatuttaaq inatsimmi takuneqarsinnaalluni, Naalakkersuisut ataatsimoorussamik nunaqarfinni aqutsisussanut tunngasutigut immikkut akuersissuteqarsinnaassasut, tassa nunaqarfiit avinngarusimasut inuttunerillu eqqarsaatigalugit.

Siunissami nunaqarfinni aqutsisunik isikkulersuinissaq ataatsimoorussamillu nunaqarfinni aqutsisussanut tunngasutigut isumasioqatigiinnermi oqallisiginninnissamik kissaatigisaqartunit marluusunit saaffiginnissutit tiguneqarsimapput, tassalu Sarfannguani nunaqarfinni aqutsisuniit kiisalu Atammimmi nunaqarfinni aqutsisuniit.

Maleruagassatigut tunngavissaq

Kommuunini suliassaqarfiit aaqqissuuteqqinnerat pillugu Inatsisartut inatsisaat nr. 14 novembarip 19-ni 2007-imeersoq, EM07-imi akuerineqartoq.

Pissutsit atuuttut

Politikkikkut Aqutsisut siulittaasuata tulliatallu kattussuunnissami siunnersorti peqatigalugu decembarimi 2007-imi taamatullu januaarimi 2008-mi nunaqarfinni tamani innuttaasunik ataatsimiititsisarsimapput. Innuttaasunik ataatsimiitsinerni ilaatigut aaqqissusseqqinnermi nunaqarfinni aqutsisut kattunneqarnissaat pillugu paasissutissiissutigineqarpoq. Tamatumunnga qisuariaatit iluarisimaarinninnerunerusimapput, ataasiakkaatigulli oqaaseqaatit ataatsimoorussamik siulersuisoqarlernissamut atatillugu apeqqusiinerusarsimallutik.

Maniitsumi Sisimiunilu kommunalbestyrelsit ataatsimoorlutik januaarip 30-ini 31-nilu 2008-mi ataatsimiinnerini Sarfannguit Itillillu, taamatullu Atammuiup Napasullu, tamarmik immikkut tallimanik ilaasortaqaarfiusussanik, ataatsimoorussamik nunaqarfinni aqutsisoqarnissaannik siunnersuutit saqqummiunneqarnikuupput oqallisaanikuullutillu. Taamatuttaaq Kangaamiut Kangerlussuarlu tamarmik immikkut nunaqarfinni aqutsisoqartitaanissaat qinnutiginiarneqarluni, allanik kattuteqateqanngikkaluarlutik, tamarmillu immikkut pingasunik nunaqarfinni aqutsisutut ilaasortaqaarfiusussatut.

Kommunalbestyrelsit januaarip 30-ini 31-nilu 2008-mi ataatsimeeqatigiinneranni ataatsimoortumik nunaqarfinni aqutsisoqalernissaannik siunnersuut matuma siuliani pineqartoq, Maniitsup Sisimiullu kommuuniini nunaqarfinni aqutsisunit oqallisigineqarnikuunngilaq, tassa Sarfannguit Itillillu taamaaqataanillu Atammuiup Napasullu kattullutik nunaqarfinni aqutsisoqarnissaat. Nunaqarfinni aqutsisut pineqartut siunnersuutip oqallisiginissaanut periarfissinneqarsimanngillat, taamaasillunilu nunaqarfiit siunnersuummut isumaat saqqummernikuunani.

Sarfanguani taamatullu Atammimmi nunaqarfinni aqutsisut saaffiginnissutaat innersuussutigalugit, Sisimiut Maniitsullu kommuunerujussuannornissaanni nunaqarfiit tamarmiullutik isumasioqatigiisinnegarnissaat kissaatigineqarpoq, tassa ataatsimoorussamik aqutsisoqarissamut tunngasut kiisalu nunaqarfinni aqutsisut pillugit.

Takuuk. Ikaarsaariarnermut ataatsimiititaliap inissitsiterluni ataatsimiinnermini ikaarsaariarnermut ataatsimiititaliamut 2008-mi missingersuutitut siunnersuut eqqartorpaa, tamatumani Naalakkesuisut ikaarsaariarnermut ataatsimiititaliap ingerlanneqarneranut kommunit nutaat tamaasa immikkut 2 mio. koruunik aningaasaliiffiginikuullugit. Ingerlatsinermut missingersuutitut ingerlatsivik siunnersuummik suliaqarnikuuvoq. Siunnersuut oqaaseqaateqarfigineqarpoq, allaffeqarfiup naliliinerata ataani, Ikaarsaariarnermut ataatsimiititaliap aningaasaliissutaasut 2 mio. koruunit malitsinnissaat ajornartorsiutigissavaa, taamaasilluni aningaasaliissutaasut malinniarlugit angalasarnissat killilersimaartinneqarnissaat innersuussutigineqarpoq.

Taamaasilluni nunaqarfiit ataatsimeersuartinneqarnissaannut aningaasartuutitut matussutissanik katillugit 100.000 koruninik annertussusilinnik qinnuteqartoqartariaqarpoq Sisimiut Maniitsullu kommuniisa agguagassaannik.

Aningaasaqarnikkut allaffissornikkullu kingunerisinnaasai

Nunaqarfinni aqutsisunut ilaasortat angalaneritut, ineqarneritut taamatullu ullormusiaqarnissaannut aningaasartuutissat Ikaarsaariarnissamut ataatsimiititaliamut aningaasartuutaanissaat naatsorsuutigineqarpoq, tassa Sisimiut Maniitsullu kommuuniini katillugit nunaqarfinni aqutsisunut ilaasortat 18-it.

Aningaasanut tunngasutigut periarfissat pingasuiupput, tassa isumasioqatigiisitsinissap sumi ingerlanneqarnissaa apequtaassalluni:

Sisimiut	:	88.873 kr.
Kangerlussuaq	:	112.887 kr.
Maniitsoq	:	74.956 kr.

Allaffeqarfiup naliliinera

Nunaqarfiit ataatsimeersuartinneqassanersut Ikaarsaariarnermut ataatsimiititaliap isummerfigissagaa allaffeqarfiup nalilerpaa. Ikaarsaariarnermut ataatsimiititaliaq killilinnik aningaasaateqarmat, aningaasartuutaasinnaasut takkussinnaasut Maniitsup Sisimiullu kommuunissa matussusertariaqar-paat, Ikaarsaariarnermut ataatsimiititaliap nunaqarfiit ataatsimeersuarnissaat akuersissutigissappas-suk.

Innersuussut

Innersuussutigineqarpoq,

- Nunaqarfiit ataatsimeersuartinneqarnissaannik qinnuteqaat Ikaarsaariarnermut ataatsimiititaliamit isummerfigineqassasoq,
- Nunaqarfiit ataatsimeersuartinneqarnissaannik aqqissuussisoqassasoq Ikaarsaariarnermut ataatsimiititaliap akuersissutigissappagu, suliap Maniitsup aamma Sisimiut Kommuniinut ingerlateqqinneqarnissaa qinnutigineqassasoq nunaqarfiit ataatsimeersuartinneqarnissaannut aningaasartuutissat katillugit 100.000 koruunit matussuserneqarnissaanut qinnuteqarnissaq siunertaralugu.

Aalajangiineq

Oqaaserineqartut ilanngullugit innersuussutigineqartut akuersissutigineqarput.

Ilanngussat

1. Atammimmi nunaqarfimmi aqutsisut saaffiginnissutaat, februaarip 7-ini 2008-meersoq
2. Sarfannguani nunaqarfimmi aqutsisut saaffiginnissutaat, februaarip 12-ini 2008-meersoq

**Imm. 05 Ikaarsaariarnermi ataatsimiititaliami suleriaasissaatut siunnersuut -
aappassaaneernera**

Journalnr. 01.00.03

Tunuliaqutaq

Kommunini suliaasaqarfiit aqqissuuteqqinneqarnerat pillugu Inatsisartut inatsisaat nr. 14 novembarip 19-ni 2007-imeersup § 10, imm. 1-a naapertorlugu Ikaarsaariarnermi ataatsimiititaliap kommunemut kattuttumut aqutsinermi ileqqoreqqusassaq suleriaasissarlu kommunalbestyrelsit, nunaqarfinni aqutsisut il.il. pillugit Inatsisartut inatsisaanni § 2 malillugu suliarissavai.

Siunnersuut saqqumiunneqartoq, annertunertigut nalinginnaasumik suleriaasissamut naapertortuuvoq, tassa Namminersornerullutik Oqartussat nassiussaata Sisimiut Kommuneanut naleqqussarlugu.

Suleriaasissat Ikaarsaariarnermut ataatsimiititaliamut aalajangiiffissatut ingerlatinneqartussaavoq, tassanilu marloriarlugu suliarineqassalluni.

Ikaarsaariarnermi ataatsimiititaliap siullermeerlugu suliarinnereerneratigut siunnersuutigineqassaaq, aappassaaniinginnerani suliaq aningaasaqarnermut ataatsimiititaliamut ingerlatinneqassasoq.

Maleruagassatigut tunngavik

Kommunini suliaasaqarfiit aqqissuuteqqinneqarnerat pillugu Inatsisartut inatsisaat nr. 14, 19. november 2007-imeersup § 10-ani imm. 1.

Inatsisartut inatsisaat nr. 20 novembarip 3-ani 1994-imeersoq, kommunalbestyrelsit, nunaqarfinni aqutsisut il.il. pillugit inatsisartut inatsisaatigut nr. 6 juunip 12-ni 1995-imeersukkut § 2-mi, imm.3-kkut allangortinneqartoq.

Allaffeqarfiup innersuussutaa

Suleriaasissatut nutaatut siunnersuutip ikaarsaariarnermi ataatsimiititaliami siullermeerneqarnissaa innersuussutigineqassaaq, suliallu ikaarsaariarnermi ataatsimiititaliami aappassaaneerneqannginnerani aningaasaqarnermut ataatsimiititaliamut ingerlatinneqarnissaa siunnersuutigalugu.

Ikaarsaariarnermi Ataatsimiititaliami suliaq suliarinera

Ikaarsaariarnermi Ataatsimiititaliap apriliip 24-ani 2008-mi ataatsimiinnermini allaffeqarfiup innersuussutaa akuersissutigivaa.

Allaffeqarfiup matuma kingorna suleriaasissat atuaqqissaarsimavai, naqinnerluinerillu aqqissimallugit taamatullu kalaallisuuata § 4-ni imm. 3-p oqaasertai tulluarsarlugit. Qallunaatuani § 14, imm. 2-mi ”aalajangiinerit imaqarniliornerini” ilanngunneqarpoq. Tamakku saniatigut kalaallisuuani oqaaseq Aqutsinissamut inatsisip namminersornerullutik oqartussani nalinginnaasutut atugaasumut aqutsinermi inatsimmut naapertuuttunngorneqarluni.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap suliaq maajip 13-ani 2008-mi ataatsimiinnermini suliarivaa.

Innersuussut

Aningaasaqarnermut ataatsimiititaliap innersuussutigissavai suleriaasissat Ikaarsaariarnermi Ataatsimiititaliamut akuereqqullugit.

Aalajangiineq

Innersuussutigineqartoq akuersissutigineqarpoq.

Ilanngussaq

1. Ikaarsaariarnermi ataatsimiititaliap suleriaasissaatut siunnersuut

**Imm. 06 "Qeqqani kommunemi" ikaarsaariarnermi ataatsimiititaliami aqutsinermik
ileqqoreqqusassatut siunnersuut - aappassaaneerana**

Journalnr. 01.00.01

Tunuliaqutaq

Kommunini suliassaqrarfiit aqqissuuteqqinneqarnerat pillugu Inatsisartut inatsisaat nr. 14 novembarip 19-ni 2007-imeersup § 10, imm. 1-a naapertorlugu Ikaarsaariarnermi ataatsimiititaliap kommunemut kattuttumut aqutsinermi ileqqoreqqusassaq suleriaasissarlu kommunalbestyrelsit, nunaqarfinni aqutsisut il.il. pillugit Inatsisartut inatsisaanni § 2 malillugu suliarissavai.

Kommunalbestyrelsit, numaqarfimmi aqutsisut il.il. pillugit inatsisip § 2, imm. 1-ani takuneqarsinnaavoq: ”*Kommunit aqunneqarnerat pillugu malittarisassat erseqqinnerusut aalajangersarneqassapput aqutsinissamik ileqqoreqqusami kommunalbestyrelsimit akuerineqarsimasumi. Aqutsinissamik ileqqoreqqusassamut aammalu ileqqoreqqusami allannguutissatut siunnersuutit kommunalbestyrelsimi marloriarlugit ataatsimiissutigineqassapput sivikinnerpaamik ullunik 14-inik akunnequteqartunik*”.

Maleruagassatigut tunngavissat

Kommunini suliassaqrarfiit aqqissuuteqqinneqarnerat pillugu Inatsisartut inatsisaat nr. 14, 19. november 2007-imeersumi § 10-mi imm. 1.

Kommunalbestyrelsit, nunaqarfinni aqutsisut il.il.pillugit inatsisartut inatsisaat nr. 20, 3. november 1994-imeersoq, Kommunalbestyrelsit, nunaqarfinni aqutsisut il.il.pillugit inatsisartut inatsisaatigut nr. 6-ikkut, 1995-imi juunip 12-ianeersukkut allanngortinneqartumi § 2-mi imm. 3.

Pissutsit atuuttut

Ukiup matuma naanissaata tungaanut maannakkut kommunalbestyrelsiusup nunaqarfinni aqutsisut ingerlanneqarnerannut suli akisussaasuummata, nunaqarfimmi aqutsisut ukioq manna ilanngunneqanngillat. Ikaarsaariarnermi ataatsimiititaliaq ukiup naanerani atuukkunnaarluni 2009-mi januaarip aallaqqaataani kommunalbestyrelsinngorpat, nunaqarfimmi aqutsisut ilanngullugit nutaamik aqutsinermi ileqqoreqqusaliortoqassaaq.

Allaffeqarfiup innersuussutaa

Aqutsinermi inatsisissatut siunnersuut ikaarsaariarnermi ataatsimiititaliamit siullermeertumik suliarineqarnissaa innersuussutigineqarpoq, matumanilu siunnersuutigineqarluni ikaarsaariarnermi ataatsimiititaliamit aappasaanik suliarineqarnissaa sioqqullugu aningaasaqarnermut ataatsimiititaliamut suliassanngorlugu ingerlateqqinneqassasoq.

Ikaarsaariarnermi Ataatsimiititaliami suliap suliarinera

Ikaarsaariarnermi Ataatsimiititaliap apriliip 24-ani 2008-mi ataatsimiinnermini allaffeqarfiup innersuussutaa akuersissutigivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap suliap maajip 13-ani 2008-mi ataatsimiinnermini suliarivaa.

Innersuussut

Aningaasaqarnermut ataatsimiititaliap innersuussutigissavai. aqutsinikkut ileqqoreqqusat Ikaarsaariarnermi Ataatsimiititaliamut akuereqqullugit.

Aalajangiineq

Kinguartinneqarpoq.

Ilanngussaq

1. Qeqqani kommunemi ikaarsaariarnermi ataatsimiititaliami aqutsinermi ileqqoreqqusassatut siunnersuut

Imm. 07 Kommuunerujussuup taaguutissaanik ilisarnaatissaanillu toqqaanissaq

Journalnr. 00.20/00.21

Tunuliaqutaq

Kommunini suliaasaqarfiit aaqqissuuteqqinneqarnerat pillugu Inatsisartut inatsisaat nr. 14, 19. november 2007-imeersoq naapertorlugu, Ikaarsaariarnermi ataatsimiititaliap kommuunerujussuup taaguutissaa ilisarnaatissaalu kingusinnerpaamik aggustip 1-ni 2008-mi aalajangiiffigissavai.

Sisimiut Maniitsullu kommuuniisa kattunnissaanni politikkikkut aqutsisut kommuunerujussuup taaguutissaanik ilisarnaatissaanillu suliat 2007-ip ukioriarnerani kiisalu 2008-p ukiuani/upernaavani ingerlassimavai. Januaarip 30-ni 2008-mi Politikkikkut aqutsisut kommuunerujussuup taaguutissaanik ilisarnaatissaanillu unammisitsineq aallartippaat. Unammisitsinerlu 2008-mi februaarip naanerata tungaanut ingerlanneqarluni.

Kommunimi nutaami kommunip taaguutissaa ilisarnaatissaalu ataatsimoornissamut ataatsimullu kinaassuseqalernissamut kajumissaataassaaq, tassa taakkua avataaniit isigineqarnissami kommunillu nutaap nittarsaannerani qitiulluinnartumik inissisimasussaagamik.

Kommunip taaguutissaatut ilisarnaatissaatullu siunnersuutit Ikaarsaariarnermi ataatsimiititaliap nalinginnaasumik ataatsimiinnissaani siullermi maajip 20-ni 2008-mi saqqumiunneqassapput. Ikaarsaariarnermi ataatsimiititaliap siunnersuutit pillugit aalajangiinissami piffissaqangaatsiartinneqartariaqarpoq, taamaalilluni aatsaat Ikaarsaariarnermi ataatsimiititaliap aalajangiinissaa junimi 2008-mi ataatsimiinnissaani pisariaqassalluni.

Maleruagassatigut tunngavissaq

Kommunini suliaasaqarfiit aaqqissuuteqqinneqarnerat pillugu Inatsisartut inatsisaat nr. 14, 19. november 2007-imeersoq.

Pissutsit atuuttut

Ullumikkut Sisimiut Maniitsullu kommunii tamarmik immikkut taaguuteqarlutillu ilisarnaateqarput, taakkulu taaguummik ilisarnaammillu nutaamik taarserneqartussaallutik. Taaguutimmi ilisarnaatillu taakku januaarip 1-ani 2009-mi atuukkunnaartussaapput, tassa nutaamik taaguuteqalerlunilu ilisarnaateqalernissami.

Kommunip katillugit taaguutissaatut siunnersuutit 164-it kiisalu ilisarnaatissaatut siunnersuutit 75-it tiguneqarsimapput. Taakkuninnga kommunip taaguutissatut siunnersuutit 12-it kiisalu ilisarnaatissatut siunnersuutit 20-it Politikkikkut aqutsisut Ikaarsaariarnermi ataatsimiititaliamut qinigassatut ingerlateqqippaat.

Ikaarsaariarnermi ataatsimiititaliap ilisarnaatissamik toqqaareeriarpat, taanna nalunaarsugassatut Patent- aamma Varemærkestyrelsimut ingerlatinneqassaaq. Kommunip ilisarnaatissaa ilisariumi-nartunngorlugu qalipaaserlugulu suliarineqassaaq, tassa titartagaq piuminartuullunilu ajornaatsumik qalipaatilik. Ikaarsaariarnermi ataatsimiititaliap kommunip taaguutissaa aalajangiiffigieriarpagu, taanna Namminersornerullutik Oqartussanut akuerisassatut ingerlateqqinneqassaaq.

Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu kingunerisinnaasai massakkut ilisimaneqanngillat.

Allateqarfiup aningaasaqarnermullu allatseqarfiup oqaaseqaataat
Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik isumaqarpoq, Ikaarsaariarnermi ataatsimiititaliaq kommunip taaguutissaanik ilisarnaatissaanillu aalajangiussiniareeriparpat, taakku Namminersornerullutik Oqartussanut kiisalu Patent- Varemærkestyrelsemut ingerlatinneqassasut.

Innersuussut

Politikkikkut aqutsisut kommunimi taaguutissaatut ilisarnaatissaatullu toqqakkat Ikaarsaariarnermi ataatsimiititaliamut ingerlateqqitassaatut taamatullu Ikaarsaariarnermi ataatsimiititaliap tullianik juunimi ataatsimiinnissamini inaarutaasumik aalajangiiffigissagai innersuussutgissavaat.

Aalajangiineq

Taasinermi innersuussutigineqartoq akuersissutigineqarpoq.

13-it akuersisut (Atassut, Siumut, Inuit Ataqatigiit, Demokraatit)

1 akерliusoq (Morten Siegstad)

1 najuutinngilaq (Beathe Poulsen)

Morten Siegstadip ikinnerussuteqarluni oqaaseqaataa:

Siunnersuutit piukkunnassusii killeqarmata siunnersuutigaa unammisitsinerup sivitsorneqarnissaa.

Siunnersuutigineqarsimasut takunissaat kissaatigaa.

Ilanngussaq

1. Kommuunerujussuup taaguutissaatut siunnersuutit
2. Kommuunerujussuup ilisarnaatissaatut siunnersuutit

***Ikaarsaariarnermi Ataatsimiititaliap maajip 20-ani 2008-mi ileqquusumik ataatsimiinnerata
02/2008-p imaqarniliornera***

Imm. 08 Ikaarsaariarnermi Ataatsimiititaliap aningaasaqarnermullu ataatsimiititaliap 2008-mi ataatsimiiffissaat

Journalnr. 01.01.01

2008-p sinneranut ataatsimiiffissatut pilersaarutissat ikaarsaariarnermi ataatsimiititaliamut siunnersuutit.

Innersuussut

Ikaarsaariarnermut ataatsimiititaliamut innersuussutigineqassaaq, ataatsimiinnissat pisussallu allat tulliuttutut pinissaat akuersissutigissagaa.

Økonomiudvalget	Ikaarsaariarnermi Ataatsimiititaliap
13. maj	20. maj
12. august	21. maj 2008 Ikaarsaariarnermi Ataatsimiititaliamut ilaasortat nutaat pikkorissarnissaat
4. september	Sap.ak. 23 aamma 24. 6.-13. juni. 10. juni kommunerujussuup atissaa ilisarnaatissaalu akuersissutigineri. Sisimiuni Maniitsumilu nunaqarfinnut tamanut angalanissaq (Sisimiuniit aallarluni)
2. oktober	25. august
6. november	18. september. Aningaasartuutissanut missingersersuusiorneq
1. december	17. oktober
	20. november

Aalajangiineq

Innersuussutigineqartut akuersissutigineqarput.

Ilanngussaq

1. 2008-imut qaammatsiutit
2. Maniitsumi KB aamma ØU-p ataatsimiiffissai
3. Sisimiuni KB aamma ØU-p ataatsimiiffissai

Imm. 09 Maniitsup Sisimiullu Kommuniini sulisut pillugit paasissutissiineq

Journalnr. 03.00

Tunuliaqutaq

Kommunini suliassaqaarfiit aqqissuuteqqinneqarnerat pillugu Inatsisartut inatsisaat nr. 14 novembarip 19-ni 2007-imeersup (aqqissuusseqqinnermi inatsit) § 20, imm. 3-ani takuneqarsinnaavoq: ”Kommuniusimasuni atorfiit nutaat pilersinneqartut inuttaleqqinneqartullu piffissami 1. maj 2008-miit 31. december 2008-mut Ikaarsaariarnermi Ataatsimiititaliamit sioqqutsisumik akuersissutigineqarsimanissaat piumasaqaataavoq.”

Pissutsit atuuttut

Maniitsup Sisimiullu kommuni 2008-mut missingersuutiminni sulisussat amerlassusissaat akuersissutiginiuuat. Maniitsup kommuneani aningaasaqarnermut ataatsimiititaliaq sulilersussat tamaasa akuersissutigisarpai, Sisimiullu kommuneani pisortat qulliunerusuinnaat aningaasaqarnermut ataatsimiititaliamit aalajagiiffiqineqartarlutik, taamaattorli ingerlaavartumik sulisunut tunngasutigut ataatsimiinnermini tamatigut paasissutissinneqartarluni.

Aqqissuusseqqinnermi inatsit naapertorlugu atorfinnik nutaanik pilersitsinissami atorfinitsitteqqinnissanilu ikaarsaariarnermi ataatsimiititaliap akuersereersimanissaa piumasaqaataavoq.

Sisimiut kommuneani sulisut taarseraattorujussuupput, illuatungaatigulli Maniitsumi sulisut ataavartuunerullutik.

Aningaasaqarnikkut allaffissornikkullu kingunerisinnaasai

Siunissami atorfiit inuttaleqqinnissaanni akuersereersimanissamik piumasaqarnerup kingunerissavaa, atorfippaalluit piffissami sivisuumi taartaagallartunik inuttaqartittarnissaat atorfiillu allagarsiunissaat utaqqinarsissusaalluni. Aningaasaqarnikkut kingunerisinnaasaat massakut ilisimaneqanngilaq, oqaatigisariaqarporli atorfiit inuttaqartinneqanngitsut taartaagallartunik inuttalerneqartariaqartassammata.

Allatseqarfiup aningaasaqarnikkullu allatseqarfiup oqaaseqaataat

Allatseqarfiup ilalerlugu innersuussutigissavaa, atorfiit massakut kommunalbestyrelsusunit akuersissutaareersut kommuneni marluusuni massakkumut allaffeqarfinnit ima ingerlanneqassasut, akuersissutigineqareernissaq ikaarsaariarnermi ataatsimiititaliap siulittaasuanit piniarneqartassasoaq, pisariaqanngitsumik allagarsiusinissami utaqqinissat ingalassimaarniarlugit. Atorfinnik nutaanik pilersitsinermi ikaarsaariarnermi ataatsimiititaliap akuersereersimanissaa isumagineqartassaaq.

Allaffeqarfiup naliliinera

Allaffeqarfik isumaqarpoq, atorfiit inuttaqanngitsut allagarsiunissaanni akuersissuteqareersimanissap pissarsiariniarnissaani allaffissornermik annertuumik kinguneqassasoaq, tassa allagarsiussinissami ikaarsaariarnermi ataatsimiititaliap aningaasaqarnermut ataatsimiititaliaata akuersissuteqareersimanissaa ikaarsaariarnermullu ataatsimiititaliamut innersuussuteqarsimanissaa piumasaqaataassammata. Allaffeqarfik isumaqarpoq, massakut Maniitsumi Sisimiunilu allaffeqarfiit sulisussat amerlassusissaannik akuersissutaareersut naapertorlugit ikaarsaariarnermilu ataatsimiititaliap akuersissuteqareersimanissaa siulittaasuanit pineqareersimappat pitsaanerussasoaq, Ikaarsaariarnermilu ataatsimiititaliap aningaasaqarnermut ataatsimiititaliaa ikaarsaariarnermilu ataatsimiititaliaq sulisunut tunngasutigut ataatsimiinnerit tamaasa paasissutissinneqartarlutik.

Innersuussut

Allaffeqarfiup Ikaarsaariarnermi ataatsimiititaliamut akuereqqullugit innersuussutigissavai:

- Atorfiit inuttaqanngitsut eqqarsaatigalugit sulisussarsiornermik allagarsiussinissamik pisin-naatitaaffik, ikaarsaariarnermi ataatsimiititaliap siulittaasuanut sulisussat amerlassusissaasa allattorsimaffiat naapertorlugu akuersissuteqarsinnaanissaa tunniunneqassasoq
- Maniitsumi Sisimiullu kommuniini sulisussat amerlassusissaasa allattorsimaffii paasissutis-satut tiguneqassasut

Aalajangiineq

Innersuussutigineqartut akuersissutigineqarput.

Ilanngussat

1. Maniitsumi kommuneani sulisussat amerlassusiisa allattorsimaffiat atuuttoq
2. Sisimiut kommuneani sulisussat amerlassusiisa allattorsimaffiat atuuttoq

Imm. 10 Tamalaat

Karl Davidsenip kajumissaarutigaa ileqqorissaarneq eqqarsaatigalugu ataatsimiinnerni mobilit qaminneqartarnissaat.

Morten Siegstadip nerriviit iluarsineqarnissaat kissaatigaa.

Palle Christiansenip ataatsimiittarfimmi qarasaasianik iluarsissuteqartoqarnissaanut apeqquteqaataa siulittaasumit nassuiaateqarfigineqarpoq.

Ataatsimiinneq naammassivoq nal. 09:34